

元和唯亭志卷十六

方外

口佛心蛇久為闍黎增一重罪案矣吾里地逼  
闐闐求其真宗清淨叢林中問何人哉間有無  
我相者恨不及與參不二法門志方外

宋

法印宋時人為延福禪寺開山祖開慶間創寺於唯

亭多著靈應

按延福寺飯僧田碑云寺相傳起於漢祚然法印宋時人也未知孰是闕

疑俟考

元和唯亭志

卷十六

方外

一

國朝

心達崑山徐氏子幼出家郡中過六市浦見浦前  
槁坍立願募建築成之遂卓錫於延福寺時寺大  
殿傾圮房廊坍廢心達掛笠重修落成後恪守清  
規焚修度日誦經積資置田飯僧梵竺興隆康熙  
初郡守石文倬贈額曰同登彼岸暮年跌坐說偈  
而逝

德元字天倪號訥園唯亭張氏子幼撫於蘇氏性  
穎敏讀書過目成誦九歲出家甫里海藏寺佛日

圓公器之日加造就且囑付焉善屬詩可擊鉢而成  
圓公西逝德元繼席海藏三年卓錫穹窿拈花  
菴後遊京師主石氏萬柳堂

上聞其詩名壬午夏數召見 暢春苑

御書拈花禪寺額賜之德元面假捧歸懸立後隨歿

陳惟中  
甫里志

明愍本鄧尉宗派乾隆戊子里人延請主席延福  
駐錫二十餘年雲堂佛像金碧輝煌又增置飯僧

田募建斗尊閣文昌殿魁星閣千年古刹賴以振

元和唯亭志

卷十六

方外

二

興遠近交稱之教諭王潤贈以扁曰心如皓月晚  
年將所餘鉢資築寫經軒三椽爲習靜所孝廉顧  
國政茂才朱丕成並題詩贈之

以上釋

周世德字雲岫唯亭儒家子幼失怙禮鄧寄虛爲  
黃冠年弱冠從龍虎山夏北衢學清微五雷祈禱  
祛邪治病諸法精通道典時爲人除祟療疾苦  
不以取利遇水旱祈禱無不感應又嘗應郡紳李  
模申紹芳之請講道德清靜於福濟三茅諸觀侍

聽者動以千計五十三代真人張洪任贈額曰可

與宏教年六十二逝

依府志載

以上道

元和唯亭志

卷十六

方外

三